

- 70 տեսաք բազում արվեստաւորս. ոմանք կոփէին, այլք տաչէին, եւ կէսքն քանդակէին զքարինս. եւ այլք լեռնանման մեծամեծ վէմս սղոցով կտրէին որպէս զփայտ աւազով. եւ այլք այլ ինչ գործէին: Եւ հարցաք թէ քանի՞
- 75 մարդ կու գործէ սորա բոլորն. եւ ասին թէ երեքհազար, թող զայն որ այլ տեղիս: Հարցաք թէ վազո՞ւց սկսաք շինել. ասին թէ հազար ամ է եւ դեռ երկուհազրիւր ամն չի կատարիլ⁴. եւ դեռ զանկակտուն չունէր: Եւ ո՞վ
- 80 կարէ լեզուով պատուել զմեծութիւն եարուին եւ զծախսն: Եւ հարցաք թէ ի՞նչ կէլիւր ունի Սուրբ Պետրոս. եւ ասին թէ տարին մէկ միլիոն. որ է չորս տարպա հազրիւր հազար Փլորինի, զատ եւ որիչ այնմանէ որ թագաւորք կ'ուղարկեն օգնութիւն. քովէն ալ շատ
- 85 կու խարճէ Փափն, դեռ չի օգնել: Այլ եւ տեսաք լեռնանման սայլս, որ արվեստիւ եւ իմաստութեամբ հինգ, վեց ձիովք ի քաղաքն ամեն անօթիւք, պախարակօք. եւ ազգի ազգի
- 90 հնարիւք երկու, երեք ձին տասն խուլած ի վեր հանէ բարձր եւ ի գլուխ եարուին, որ տեսողացն է սքանչելի, ոչ թէ լսողացն:

ՀԻՒԱՆԿԱՆՈՅՔ

Եւ անտից տարան զմեզ ի Սան Փէրթրու եկեղեցին, որ է Սուրբ Հոգի: Այլ եւ մտաք

⁴ Ս. Պետրոսի հիմը ձգուած է 1506, Ապրիլ 18ին, Յուլիոս Բ. Քահանայապետի օրով. օծումը կատարուած է Ուրբանոս Ը.ի ձեռքով 1626, Նոյեմբեր 18ին, նախկին՝ Կոստանդիանոս մեծի հիմնարկած Ս. Պետրոս եկեղեցւոյ 1300ամեայ տարեդարձին: